

Na osnovu čl. 4.2. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", broj 7/02, 13/03, 76/09 i 1/11) i člana 11. Pravilnika o cjelovitosti i transparentnosti veleprodajnog tržišta električne energije ("Službeni glasnik BiH", broj 28/20), na sjednici Državne regulatorne komisije za električnu energiju, održanoj 3. septembra 2020. godine, donijeta je

ODLUKA
O REGISTRU UČESNIKA NA VELEPRODAJNOM TRŽIŠTU
ELEKTRIČNE ENERGIJE

Član 1.

(Predmet Odluke)

Ovom Odlukom upostavlja se Registar učesnika na veleprodajnom tržištu električne energije u Bosni i Hercegovini (u daljnjem tekstu: Registar), utvrđuje obaveza registracije, definira sadržaj i način vođenja ovog Registra, te se propisuju naziv, oblik i sadržaj obrazaca za registraciju učesnika na veleprodajnom tržištu električne energije u Bosni i Hercegovini i provođenje nadzora nad funkcioniranjem ovog tržišta.

Član 2.

(Obaveza registracije)

- (1) Učesnici na tržištu koji putem naloga za trgovinu provode ili namjeravaju provoditi transakcije na veleprodajnom tržištu električne energije u Bosni i Hercegovini dužni su se registrirati kod Državne regulatorne komisije za električnu energiju (DERK) u roku od 30 dana od dana stupanja na snagu ove Odluke.
- (2) Obrazac na kojem se podnosi zahtjev za registraciju (Obrazac REMIT R-1) dat je u prilogu ove Odluke i čini njen sastavni dio, a može se dobiti u sjedištu DERK-a ili preuzeti u elektronskoj formi sa zvanične internet prezentacije DERK-a.

Član 3.

(Način vođenja Registra)

- (1) DERK vodi, objavljuje i održava ažurnim Registar, na osnovu podataka koje dostavljaju učesnici na tržištu koji putem naloga za trgovinu provode ili namjeravaju provoditi transakcije na veleprodajnom tržištu električne energije u Bosni i Hercegovini
- (2) Registar se vodi u elektronskom obliku i dostupan je na zvaničnoj internet prezentaciji DERK-a.
- (3) Registar sadrži podatke navedene u Obrascu REMIT R-2 koji se nalazi u prilogu ove Odluke i čini njen sastavni dio.
- (4) Upis u Registar se vrši nakon obrade podnesenog zahtjeva za registraciju učesnika na veleprodajnom tržištu iz člana 2. ove Odluke.

Član 4.

(Nadzor veleprodajnog tržišta)

- (1) U postupku iniciranja i ostvarivanja nadzora veleprodajnog tržišta električne energije u Bosni i Hercegovini prema Pravilniku o cjelovitosti i transparentnosti veleprodajnog tržišta električne energije (u daljnjem tekstu: Pravilnik) koriste se sljedeći obrasci:

- a) Prijava potencijalnih zloupotreba i malverzacija na veleprodajnom tržištu električne energije u Bosni i Hercegovini podnosi se na Obrascu REMIT P-1;
 - b) Prijava odgođenog objavljivanja povlaštenih informacija iz člana 8. stav 4. Pravilnika podnosi se na Obrascu REMIT P-2;
 - c) Prijava korištenja izuzeća iz člana 5. i 6. Pravilnika podnosi se na Obrascu REMIT P-3.
- (2) Obrasci iz stava (1) ovog člana su dati u prilogu ove Odluke i čine njen sastavni dio, a mogu se dobiti u sjedištu DERK-a ili preuzeti u elektronskoj formi sa zvanične internet prezentacije DERK-a.

Član 5.

(Ostale obaveze DERK-a)

- (1) U postupku registracije učesnika veleprodajnog tržištu električne energije u Bosni i Hercegovini, DERK formira jedinstveni identifikator svakog učesnika na način koji je propisan od strane Regulatornog odbora Energetske zajednice (u daljnjem tekstu: ECRB).
- (2) Sve potrebne informacije koje se odnose na nadzor veleprodajnog tržišta električne energije, DERK dostavlja ECRB-u na način propisan relevantnim aktima ove institucije.

Član 6.

(Stupanje na snagu)

Ova Odluka stupa na snagu osmog dana od dana objavljivanja u “Službenom glasniku BiH”, a bit će objavljena i u službenim glasilima entiteta i Brčko Distrikta Bosne i Hercegovine.

Broj: 04-02-2-118-36/20
3. septembra 2020. godine

Tuzla

Predsjedavajući Komisije

Nikola Pejić